

TSE MABAPI LE BOLAODI BA MEEDI

Tsamaiso ya Bolaodi ba Meedi ya Afrika Borwa e kgatha tema e bohlokwa ho bebofatseng ho tsamaiswa ha dithoto le batho ba kenang kapa ba tswang ka meedi ya Afrika Borwa. Ponelepele ya rona ke ho fana ka tshebeletso ya Bolaodi ba Meedi e itlhomngeng pele lefatsheng e bileng e nang le seabo ho tse mabapi le botsitso, bophelo bo bottle le katleho ya naha, lebatowa le lefatsheng ka bophara.

Maikemisetso a Bolaodi ba Meedi

Thomo le tse tlang pele ho Bolaodi ba Meedi ke:

- Ho fana ka botsamaisi ba taolo ya meedi, tshireletso ya baahi le tshireletso ya Indasteri
- Ho tsamaisa mehato ya leano la kgwebisano mmoho le dikema tsa indasteri; le
- Ho bokella lekgetho

Batho ba Bolaodi ba Meedi

Ha jwale ho na le diofisi tse 37 tsa Bolaodi ba Meedi ho phatlalla le naha, ho akareditswe le lewatlang, mobung le maemafofaneng, mmoho le Ditsing tse nne tsa Tshebetso. Fumana dintlha tsa boikopanyi mmoho le dihora tsa tshebetso tsa diofisi tsohle tsa Bolaodi ba Meedi mona.

Ke basebetsi ba ka bang 2500 ba Bolaodi ba Meedi ba kgathang tema diketsahalong tsa pebofatso ya kgwebisano tse kang ho ngodiswa le hlahlobo ya thepa; ngodiso le phumantsho ya laesense; tshebetso ya thepa le tsa oditi; kapa taolo ya madiboho mmoho le mesebetsi ya bopolesa e kentseng ditho tsa Yuniti ya Dintja tsa Bofokisi.

Basebetsi ba tsitlallela ho:

- Phethahatsa boikarabelo ba bona ka seriti, tlotla le botshepehi;
- Bonaletsa, ho se be leeme le ho jara boikarabelo mesebetsing yohle ya bona; le
- Ho sebetsa ka kopanelo le bakgathatema ba nang le pono e tshwanang le ya bona ya ho lwantshana le dimpe tsa kgwebisano.